

Poschiavo, ils 12 da zercladur 2024



Repower survegn da sias emprendistas e da ses emprendists notas excellentas

La Repower AG è in manaschi d'emprendissadi excellent. L'interpresa d'energia grischuna ha survegnì danovamain la certificaziun «Great Start!». Tenor in'enquista da l'institut «Great Place to Work» recumandassan nov da diesch emprendistas ed emprendists a lur amias ed amis Repower sco manaschi d'emprendissadi.

La scolaziun d'emprendistas e d'emprendists stat fitg a cor a Repower. Per controllar la qualitat da la scolaziun fa l'institut «Great Place to Work» regularmain enquistas tranter las emprendistas ed ils emprendists. Nov da diesch recumandassan tenor la pli nova enquista a lur amias ed amis l'interpresa Repower sco manaschi d'emprendissadi. 96% dad ellas ed els han inditgà da vegnir gugent a lavurar e gist tut las giuvenilas ed ils giuvenils èn cuntents cun la contribuziun che l'interpresa presta per la societad. Sin fundament dals blers resuns positivs ha Repower survegnì per la tschintgavla giada en successiun la certificaziun «Great Start!».

Gronda diversitad professiunala

Repower è in'interpresa d'energia grischuna ch'è activa lung l'entira chadaina da valorisaziun da l'electricitad. En la Valposchiavo, l'Engiadina, il Partenz, la Surselva e la regiun da Landquart scolescha Repower var 30 emprendist:as en nov differentas professiuns: mediamatic:ra, logistic:ra, disegnad:ra (direcziun architectura), automatic:ra, electricist:a da rait, electroplanisad:ra, polimecanist:a, informatic:ra, commerziant:a.

Contact

Stefan Bisculm

Manader post da medias

t +41 81 423 78 73

m +41 79 372 77 76

stefan.bisculm@repower.com

Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Küblis, Landquart, Turitg e Milano. Repower è activa lung l'entira chadaina da valurisaziun da l'electricidad, da la produenziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.